

Corma

**BUANAS** SKYECD58 Faclan nan Òran agus Eadar-theangachaidhean Songs Lyrics and Translations www.gaelicmusic.com

# Cha tig Mòr mo bhean dhachaigh

# My wife Morag will never return home

Arthur Cormack (Vocals); Ingrid Henderson (Piano); Rachel Walker (Backing Vocals); Angus MacKenzie; Whistles; Blair Douglas (Accordion)

In this song a bereaved father mourns the mother of his child. He lulls the child gently, observing that while everything in nature will continue to renew, his wife did not have a long life. Often sung to the tune of *Lochaber No More*, I picked up this tune from Rita and Mary Rankin in Toronto in 1991. When we were recording this, I asked Angus MacKenzie of Dàimh, originally from Mabou, to play whistles and when I told him about the tune he reckoned Rita and Mary might have got it from his late mother, Maureen, herself a Rankin from Mabou.

Cha tig Mòr mo bhean dhachaigh Cha tig Mòr mo bhean ghaoil Cha tig màthair mo leanaibh Nochd cha laigh i ri m' thaobh

Èist, mo leanaibh, gu sàmhach Cuimhnich thusa mar thà Tha do mhàthair sa chlachan 'S ann am achlais dhut fàs

Tha an crodh-laoigh anns an eadradh 'S iad a' freagairt nan laogh Tha mo Mhòr-sa 'n Dùn Bheagain 'S cha fhreagair i m' ghlaodh

Ged a gheibhinns' air m' òrdugh Stoc is stòras on rìgh; B' annsa Mòr a thighinn dhachaigh Gu laighe ri m' thaobh

Fàsaidh bàrr air an fhiùrain Agus duilleach air craoibh Fàsaidh fras air an luachair Ged nach d' fhuair mo bheans' aois

Ged a dhèanainn fhìn pòsadh Mar bu chòir dhomh nad dhèidh O cha togadh mo chridhe Ri fidheall nan teud My wife Morag will never return home Morag, my beloved wife will not return The mother of my children Will not lie by my side tonight

Listen quietly, my baby, Remember how it is Your mother is in the graveyard You will grow up in the crook of my arm

The cattle are in the milking-fold Lowing in answer to the calves Morag lies in Dunvegan And will not answer my call

Though I would get by order Cattle and riches from the king I would far rather Morag were with me Lying by my side

Flowers will form on the branch The trees will grow leaves Seed will appear on the rushes But my wife did not have a long life

Although I should remarry As I ought to with you gone My heart will not lift To the sound of the stringed fiddle

# Mo Mhàiri Mhin

# My Tender Mary

Arthur Cormack (Vocals); Iain Smith (Mandolin & Backing Vocals); Blair Douglas (Piano and Accordion); Rachel Walker (Backing Vocals); Allan Henderson (Fiddle); Eric Cloughley (Guitar & Drums)

A love song written by Blair Douglas and set in Portree, using his childhood haunts such as Sgorrybreck and Ben Cracaig as a backdrop. Although I know Blair better than most people, his muse for this particular song remains unknown!

A Mhàiri bhòidheach, 's a Mhàiri mhìn Is tu mo ghràdhsa is m' eudail bhinn; Seach gach gruagach, mo roghainn fhìn A Mhàiri bhòidheach, a Mhàiri mhìn.

Mi 'm shuidh' sa chiaradh, aig ceann a' chidh' Oidhche Dhùbhlachd, 's am bàgh fo shìth; Mo shùil ri Cràthcaig, 's an Sgorra ghrinn Ach na mo smuaintean, tha mo Mhàiri mhìn.

Gheall thu dhòmhsa do làmh 's do chridh' Ach bha do bhriathran, gun bhlàths 's gun bhrìgh; 'S ged bha mo dhùilsa gum biomaid pòst' Bha 'n dris 's an droigheann an cois an ròis.

Am fois na h-oidhche, 's mi leam fhìn Bidh mo smuain ort, a Mhàiri mhìn; A Mhàiri bhòidheach, ged mheall thu mi Cho fad 's is beò mi, bidh 'n gath nam chridh'. My beautiful Mary and my tender Mary You are my darling and my treasure Above all the girls, you are my choice My beautiful Mary, my tender Mary

Sitting at dusk, by the quayside A December evening, the bay calm; My eye is on Ben Chrachaig and Scorrybreac But my thoughts are on my beautiful Mary

You promised me your hand and your heart But your words were without warmth and substance Although I hoped that we would be wed There were thorns and briers on the rose

In the quiet of the night, when I am alone I think of you, my tender Mary My beautiful Mary, you deceived me As long as I live there will be a thorn in my heart

# Thàinig maor na mo dhàil

## A factor came to me

#### Arthur Cormack (Vocals); Mary Ann Kennedy (Harp)

One of the saddest but most beautiful of songs, written by Neil MacPhee from Vatersay in two sections. Four verses were written in February 1925 when his wife died with the remaining verses written on the anniversary of her death in February 1926. It was sung originally to the tune of *Iain Ghlinn Cuaich* but the bàrd's daughter, Theresa MacNeill, gave the words to Kenna Campbell in the 1980s and asked her to compose a tune especially for the song, the one I sing here, with thanks to Kenna for teaching it to me.

Thàinig maor na mo dhàil Le teann òrdan gum pàighinn cìs, Gun grad lìbhriginn dha Beanag lurach an nàdair ghrinn; Thug e dhomh airson òl Deoch a' mhulaid a dhòirt mum chridh', Dh'òl mi cupan a' bhròin Dh'fhosgail tobraichean deòir mo chinn

Tha bean chomain mo chrìdh' Air a tasgadh sa chill gun deò 'S mise 'g acain na dìth Ged nach leasaich e mi ri m' bheò Ro mhath choimhlion thu ghaoil Cuspair beatha gach aon dhe d' sheòrs', Ionad màthar is mnaoi Dàrna cathair fo Rìgh na Glòir.

Dh'fhàg thu dìleab nad dhèidh Ged nach airgead, no sprèidh, no nì Triùir do phàistean beag òg A factor came to me With a sharp order to pay a tax Immediately I was to deliver to him My beautiful wife of the most lovely nature He gave me to drink A cup of sadness that poured on my heart I drank the cup of sorrow And wells of tears opened

My beloved wife Has been deposited lifeless in the grave I bemoan her loss Although this can never be changed You fulfilled to perfection, my love The life roles expected of you As a mother and a wife You sit in the chair next to God

You left a legacy behind you Though not money nor cattle nor worldly things But three of your young children Nach robh riamh na bu bhòidhch' san tìr Ged nach ceannaich an t-òr Tochra thug thu le còir dhomh fhìn Chaneil comhartachd dhòmhs' 'S ann a mheudaich mo bhròn ri linn.

Bhon a thriall thu don uaigh Tha dubh iargain a luaidh gam chlaoidh Chaidh a' bhliadhna mun cuairt Cha do thiormaich mo ghruaidh gad chaoidh Ach 's e nì tha gam chràdh 'S a' cur saighdean an sàs am thaobh Freagairt ceistean do phàist' "Cuin a thig i, mo mhathair chaomh?"

Làmh bu dèanadach feum Ceann na riaghailt bu ghèire tùr Nàdur foighdneach, rèidh Cridhe caranntach, cèilidh, ciùin; Modhail, sìobhalt do bheul -Ribheid bhinn an àm gleusadh ciùil Com bu shubhailceach beus Dha robh màthair Mhic Dhè na h-iùil.

B' òg a fhuair mi thu ghaoil Leis an t-Sacramaid naoimh air làimh 'N dèidh a seulachadh dhuinn Ann an ìobairt na h-Aifrionn-bhainns' Ged a shaoileadh le càch Gun sgaoileadh am bàs am bann Cha do dh'fhuasgail e dha Tha gach dual dhe gu làidir, teann. There were none more beautiful in the land Though gold did not buy The dowry that assigned you to me There is no comfort for me My sadness has grown as a result

Since you went to the grave Black sorrow has exhausted me, my darling A year has passed But my cheek has not dried lamenting you But the thing that pains me And has placed an arrow in my side Is answering your children's questions: "When will my darling mother come?"

A resourceful and useful hand A head filled with great sense and wisdom A patient, calm nature A charitable, sociable, peaceful heart A polite, civil tongue – Sweet reeds in times of singing A heart of virtuous conduct Mary, Mother of God, was her guide

I was young when we were married, love, By the Holy Sacrament Sealed for us In the offering of the Wedding Mass Though others might think That the ties would be broken in death They have not been opened Each strand stands strong and tight

# **Cnoc nan Craobh**

# The Hill of the Trees

Arthur Cormack (Vocals); Mary Ann Kennedy, Gillebride Macmillan, members of Inverness Gaelic Choir (Backing Vocals)

This song is one of many by Dòmhnall Ruadh Caimbeul, Donald Campbell. This one was written for his wife, Morag Campbell - Mòr nigh 'n Uilleam Bàin, referred to in the song. Several of Dòmhnall Ruadh's songs have been recorded by the Campbells of Greepe, relatives of Dòmhnall Ruadh. This one was given to me by a member of that illustrious family, Ann Michie, in the late 1980s when she was living in Camustianavaig and the Gaelic tutor for Portree Gaelic Choir.

Èirich 's tiugainn, o mo chailin Èirich 's tiugainn, o mo ghaol, Èirich 's tiugainn leam a chuachag, 'S bheir sinn cuairt gu Cnoc nan Craobh

Ged a bhiodh gaoth fhuar a' Mhàirt ann, Sneachda bàn air bhàrr a' fhraoich, Shuidhinn greis air Cnoc na h-Àirigh, 'S Mòr Nigh'n Uilleam Bàin ri m' thaobh

Mheall is char thu mi le d' bhriathran, 'S thug thu mi le d' bheul a thaobh; 'S cha mhòr nach deacha mi gad iarraidh 'S gun mi fichead bliadhna dh'aois

Chì thu bhanarach 's a buachaill,

O rise up and come my darling, O rise up and come my love Rise up and come with me my pretty one We'll take a walk to Cnoc nan Craobh (The Hill of the Trees)

Though the cold March wind is blowing And the white snow lies on the heather I would sit for a while at the Hill of the Shieling With Marion, fair William's daughter by my side

You teased and charmed me with your words You beguiled me with your talk I almost asked for your hand in marriage Before the age of twenty

You will see the milkmaid and her herdsman

Buaraichean aca ri 'n taobh, 'S na laoigh bheaga ruith mun cuairt orr' SÌos is suas mu Chnoc nan Craobh

Nuair bu dlùithe 'm fraoch sam barrach, 'S duilleach a' falach nan craobh, 'S tric a ghabh mi sgrìob le m' annsachd, Null 's a nall mu Chnoc nan Craobh

Tha 'n t-Easa Mòr bha 'n Àirigh Bhàidein, Tighinn a-mhàin o ghleann a' fhraoich, 'G uisgeachadh nan lusan àlainn Timcheall Gàradh Chnoc nan Craobh

'S iomadh dheònaicheadh bhith tàmh ann, Thig iad o 'n t-sàl is o 'n fhraoch, 'Bheachdaireachd air obair nàdair Timcheall gàrradh Chnoc nan Craobh With the cow-fetters beside them The young calves running round them Up and down about Cnoc nan Craobh

When the heather and the branches were at their thickest And the leaves completely covered the trees I would often take a walk with my beloved Back and forth around Cnoc nan Craobh

The Great Waterfall at Àirigh Bhàidein, Flowing down from the heather glen, Watering the beautiful plants Around Cnoc nan Craobh's garden

Many people would wish to live there They come from the sea and the heather To contemplate nature's work Around Cnoc nan Craobh's garden

# An nochd gur faoin mo chadal dhomh

### Tonight, sleep is futile for me

Arthur Cormack (Vocals); Chaz Stewart (Guitar); Blair Douglas (Accordion); Allan Henderson (Fiddle)

I first heard the melody for this song on the wonderful *Skyedance* album by Alasdair Fraser and Paul Machlis and had the pleasure of singing the song with Alasdair at a concert in Santa Cruz towards the end of his Valley of the Moon Fiddle Camp in California where I taught Gaelic singing in 1996. The words in this version are from *Sàr-obair nam Bàrd Ghàidhealach* although there are other versions, for example in Keith Norman MacDonald's Gesto Collection. The writer is unknown.

An nochd gur faoin mo chadal dhomh Sìor acain na bheil bhuam, Do chomunn le deagh chaoimhnealachd Dh'fhàg mi bho'n raoir fo ghruaim; Gur tric mi ann an aisling leat, Gach uair d' an dèan mi suain; Trom-osnaich nuair a dhùisgeas mi Air bhith gad ionndrainn bhuam

Air bhith dhomh 'g ionndrainn suairceis bhuam, S tu leagh mo shnuadh 's mo bhlàth, O rinn do ghaol-sa fuarachadh Cha dualach dhomh bhi slàn; 'S ann riut a leiginn m' uireasbhaidh, Air ghleus nach cluinneadh càch, Dh'fhàg d' aogasg mi cho muladach, 'S gur cunnart dhomh am bàs

Is mòr a tha do ghibhtean ort A tha gun fhios do chàch; Corp seang gun fheall gun fhalachd ann Gur cas thu mhealladh gràidh; 'S a liughad òigear furanach A thuilleadh orm-sa 'n sàs, D' an tugadh d' aodann faothachadh, 'S an t-aog gan cur gu bàs

Tha bean do neòil am braithreachas Mar eala bhàn nan speur; Gur binne leam bhith mànran leat Tonight, sleep is futile for me Bemoaning what I don't have Your kindly company Left me sorrowing last night I often dream about you Each time I sleep Sighing heavily when I awake Missing your presence

Missing your gentleness Which fused with my smile and my affections Since your love has cooled I cannot survive I would reveal my imperfections In confidence to you Your beauty has left me so sad That my life is in danger

Great are your gifts Unseen by others A slender body lacking deceit and malice You beguile many, my love There are scores of welcoming young lads Apart from me Who have rejoiced in your beauty And are now facing death

A woman of your complexion is like The fair swan of the skies It was sweeter for me to whisper lovingly to you Na clàrsaichean nan teud; Is tha do thlachd is d' àillidheachd, A' cur do ghràidh an cèill; Gur cosmhail thu ri àilleagan, D' an umhlaich càch gu lèir

Thug mise gaol da-rìridh dhut Nuair bha thu d' nìonaig òig; Is air mo làimh nach dìbrinn e Air mhìle punnd den òr; Ged fhaighinn fhìn na chrùintean e Ga chunntadh dhomh air bòrd; Cha trèiginn gaol na ribhinne A tha 'n Ìle ghlas an fheòir Than to listen to the stringed harp And your pleasure and beauty Portray your love perfectly You are like a treasured jewel To which others would bow down

I gave my true love to you When you were a young girl And I swear that a thousand pounds of gold Would not change my mind Though I would have the gold in crowns Counting it at a table I wouldn't forsake my love for the girl In green grassy Islay

### Ged is socrach mo leaba

# Though my bed is comfortable

#### Arthur Cormack (Vocals)

Written by Gilleasbaig Ruadh Mac Mhic Dhòmhnaill, Archibald MacDonald known as 'An Ciaran Mabach'. This son, also knows as *B' annsa cadal air fraoch* is said to have been written while the bàrd was in Edinburgh attending doctors after injuring his leg. Places in Skye, Uist and Lewis are mentioned in the song as he misses the opportunity to be out in the hills and moors he loved so much. This song was given to me by Allan MacDonald, Glenuig, but was also sung by Rev William Matheson.

Ged is socrach mo leaba, b' annsa cadal air fraoch, ann an lagan beag uaigneach 's bad de luachair rim thaobh; nuair a dh'èirinn sa mhadainn, shiubhal ghlacagan caoin na bhith triall chon no h-Abaid 'g èisteachd glagraich nan saor.

Chan eil agam cù gleusta, chan eil feum agam dha; cha suidh mi air bac, an sliabh fada bho chàch; cha leig mi mo ghadhar chaoidh am faghaid an t-Sròim Bàin, 's cha sgaoil mi mo luaidhe 'n Gleann Ruadhain gu bràth.

'S oil leam càradh na frìthe 's mi bhith 'n Lite nan long eadar ceann Sàile Shìofoirt 's Rubha Ghrianaig nan tonn, agus Uisinis riabhach san tric a dh'iarr mi 'n damh donn, bhith fo bhinn aig na bodaich dham bu chosnadh cas chrom.

Tha Loch Lacasdail fhèin 's gun fiù an fhèidh air a' chlàr far an cromadh na ceudan 'n àm dhan ghrèin dhol mu làr; Loch nan Uidhean gan trèigsinn far 'n tric am b' fheudar dhaibh snàmh

's Gile Bheag air a' Chaorainn 's mu dhà thaobh a' Chùirn Bhàin.

'S binne leam na guth fìdhle ged a sgrìobt' i gu cruaidh crònan mullach na Caillich mun iadh gailleann is fuachd agus mullach Coir' lle 's brèagha frìth san taobh tuath, 's a' ghlas-ghaoth nam aodann gun a faotainn mun cuairt.

'S e mo ghràdh am fear buidhe nach dèan suidhe mun bhòrd, nach iarradh ri cheannach pinnt leanna no beòir; uisge-beatha math dùbailt 's e nach dùraigeadh òl - Though my bed is comfortable, I'd rather sleep in the heather in a lonely little hollow with a clump of rushes beside me I would rise in the morning, to traverse pleasant hollows rather than travel to the Abbey listening to the carpenters' clamour

I have no quick-witted dog, I have no need of such I won't sit on a peatbank or on a moor far away from everyone I'll not release my hound in the chase at Sròm Bàn And I'll never again fire a lead bullet in Glen Ruadhain

I am vexed by the thought of the deerforest while I'm in Leith of the Ships

Between the head of Loch Seaforth and Greenock Point of the waves

And brindled Uisinis where I often hunted the stags Instead I'll be with the old men who make a living from the plough

Not even Loch Laxdale has deer on its plain where hundreds would descend as the sun went down Loch nan Uidhean has forsaken them where so many of them once swam

And at Gile Bheag on the Caorann on each side of Cairn Ban

Sweet to me is the sound of the fiddle though she be robustly played

The croon on the summit of the Cailleach in times of storm and cold

and the top of Islay's corry and the beautiful forests in the north The grassy wind in my face slowing my pace

My love is the dun-faced man who wouldn't sit at a table Who would not order a pint of beer or ale A double-distilled whisky he would dare not drink b' fheàrr leis dibh' às an fhuaran 's uisge luaineach an lòin.

'S i mo ghràdh a' bhean-uasal dha nach d' fhuaras riamh lochd,

nach iarradh mar chluasaig ach gualainn nan cnoc; 's i nach fhuilingeadh an t-sradag bhith air a lasadh ri corp – och, a Mhuire, mo chruaidh-chas nach d' fhuair mi thu nochd.

Chuir mi 'n gunn' air a' choltair, chaoidh cha tog mi ri àird -'s ann a bhios mi aig baile dèanamh arain le sàmh; nì mi balt a' chruaich-mhònadh, 's math an còmhnadh an càl, 's fòghnaidh siud airson sìthne, 'n gille-brìde breac, bàn. He would rather drink the restless water from the stream

My love is the noble lady who was never at fault who would ask for no pillow but the shoulder of the hill She would not bear the shot that would spark on her flank O Virgin Mary, woe is me that I did not find you tonight

I've put the gun in its sling, I will never again make for the heights-I'll be at home making rotten bread I'll edge the peatstack, there's succour in cabbage Enough of venison, there's always the oystercatcher

# Fàgail Ghlaschu

### Leaving Glasgow

#### Arthur Cormack (Vocals); Ingrid Henderson (Piano); Angus MacKenzie (Whistles); Paul Jennings (Percussion)

Ruairidh Campbell, Ruaraidh mac lain mac Dhòmhnaill 'ic lain Bhàin, known as 'Ròidseag' and '*The Case*' was born in Loch Carnan, South Uist on Christmas Day 1900. He came from a family of renowned bards and, by all accounts, did well in school. In common with many young men of that time, Ruairidh went to sea. It was tough life at that time with long hours, poor food and a shortage of water on voyages that often lasted a year or more. Ruairidh died suddenly in London in 1947 but left a great legacy in his songs including this one and *A Pheigi a ghràidh* (track 12).

An àm bhith fàgail Ghlaschu air madainn mhoich Dimàirt Bha m' inntinn trom fo airtneal 's mi cho fad bho thìr mo ghràidh,

A' fàgail mo luchd-eòlais anns a' bhaile mhòr a' tàmh Na deòir nan sruth om shùilean 's mi cur cùlaibh ri mo ghràidh.

Chan iongnadh ged bhiodh cianalas am-bliadhna orm is gruaim

Tha falt mo chinn air liathadh, 's chan eil iall dheth a bhios buan,

Is ged nach eil mi aosta thàinig caochladh air mo shnuadh On dh'fhàg mi an t-eilean àlainn, Uibhist àrda nam beann fuar.

'S e Uibhist tìr as bòidhche leam tha 'n-diugh fo neòil nan speur

Gur tric a shnàmh an ceò air a' Bheinn Mhòir 's mu Sgor an Fhèidh

'S a-staigh gu gualainn Mhaireabhal, far 'm minig 'n do thàmh an sprèidh

'S bu tric a thug mi ruaig ann 's b' e mo luaidh bhith às an dèidh.

Ach, b' fheudar Uibhist fhàgail 's tighinn a thàmh am measg nan Gall

'S e dh'fhag a-nochd sa bhàta mi 's i mach air bhàrr nan tonn An fhairge 's i na smùid agus an stiùir agam nam làimh 'S a cùrsa o Cheann Èirinn leinn gu Buenos Aires thall.

Nuair thèid mi chun na cuibhle, nuair bhios an oidhche fuar, Gur tric a bhios nam inntinn-sa 'n aon nì don tug mi luaidh Bu mhath dhomh bhith nam chìobair seach bhith mach fo bhinn nan stuadh

Gu faighinn cadal socair dh'aindeoin osnaichean a' chuain.

Leaving Glasgow early on a Tuesday morning My mind was heavy with sorrow and I'm far from the land that I love Leaving my acquaintances who live in the city

The tears streaming from my eyes as I turn my back on my love

It's no surprise that I feel homesickness and gloom this year My hair has greyed and hardly a strand will remain And though I am not old, my appearance has changed Since I left the beautiful island, Uist of the cold, high mountains

Uist is the most beautiful place that lies beneath the skies The mist often swam on Beinn Mhòr and Sgor an Fhèidh And in to the shoulder of Maireabhal where the cattle often used to rest

I often took a stroll there, I would love to be gathering the cattle now

But I had to leave Uist and go to live amongst lowlanders That's what left me on the boat tonight, out on the high seas The sea angry and my hand on the rudder Setting our course from the tip of Ireland across to Buenos Aires

When I'm at the wheel on a cold night Often in my mind my one love I would rather be a shepherd than be at the mercy of the waves Then I could get a restful sleep despite the sighing of the sea Ach tha gillean gasta innte cho math 's a dh'fhàg an tìr Tha Dòmhnall ann is Alasdair, tha Cailean ann 's mi fhìn An Uibhist nam beann àrda 's ann a dh'àraicheadh na suinn 'S gun cluinnte fuaim na Gàidhlig 's iad gu h-àrd air bhàrr a' chruinn.

Ach sguiridh mi den dàn seo, chan eil mo chàileachd ann, Chan eil mi na mo bhàrd, cha deach na tàlantan nam cheann Ma 's e gu bheil e 'n dàn dhomh tilleadh sàbhailt innte nall Gun gabh mi bàt' na smùide 's thèid mi null gu Tìr nam Beann. But there are lads on board as fine as ever left the shore There's Donald and Alasdair, Colin and myself In Uist of the high mountans the heroes were reared And Gaelic can be heard from high up the mast

But I'll bring this song to a close, I'm not in the mood for it I'm not a poet, those talents weren't given to me If it is my destiny to safely return across the sea I'll take the steamer and head across to the Land of the Mountains

### Latha dhomh sa Chuilthionn chreagach I was one day in the rocky Cuillin

Arthur Cormack (Vocals); Blair Douglas (Piano); Rachel Walker (Backing Vocals)

This writer of this song is unknown but I got it from Allan MacDonald, Glenuig, when he asked me to sing in a concert at the Edinburgh Festival in 2000. It tells the story of the Battle of Coire na Creiche in Skye in 1601- the culmination of a year of feuding between the Clan MacLeod of Dunvegan and Clan Donald of Sleat, which ended with a MacDonald victory in Coire na Creiche on the northern slopes of the Cuillin hills. It was the last clan battle in Skye.

Latha dhomh sa Chuilthionn Chreagach	I was one day in the rocky Cuillin
Hoireann o gù o gu eile O hi ù a o hug eile Hoireann o gù o gu eile	Hoireann o gù o gu eile O hi ù a o hug eile Hoireann o gù o gu eile
Chuala mi 'phìob mhòr ga spreigeadh	I heard the great pipes stirring
Bha nam chuimhne ged bu bheag mi	I remembered, though I was but young
Latha bha chreach an Dùn Bheagan	The day of Dunvegan's destruction
Bha beul sìos air luchd nan leadan	Death befell those of the long flowing hair
Bha làrach am bròg san eabar	Their footprints were in the bloody mire
B' e Clann Dòmhnaill a rinn a leagail	It was Clan Donald that knocked them down

# Màiri Nighean Alasdair (Gaol na h-Òige) Mary, daughter of Alasdair MacKay

Arthur Cormack (Vocals); Blair Douglas (Piano); Allan Henderson (Fiddle)

A masterpiece by William MacKenzie (Uilleam Dhòmhnaill 'ic Choinnich – Bàrd Cnoc Chùsbaig) from Point in Lewis, following the death of his wife and childhood sweetheart, Mary MacKay. When eventually he had to emigrate to Canada with his family, it is said he extracted one of his teeth and left it in her grave. William died in Canada and is buried Mountain View Cemetery, Fort William, Ontario.

A Mhàiri nighean Alas' 'Caoidh A Mhàiri nighean Alasdair A Mhàiri nighean Alas' 'Caoidh 'S dh'fhàg mi tinn is airsneulach

Thug sinn fichead bliadhna pòsť Is bha sinn òg ri leannanachd, Is nuair a b' fheàrr a bha ar dòigh Nach brònach rinn sinn dealachadh. Mary, Alasdair MacKay's daughter Mary, Alasdair's daughter Mary, Alasdair MacKay's daughter You have left me poorly and sorrowing

We were married for twenty years And were young sweethearts And when our love was at its height How sad we were to part. Ach 's e dhealaich sinn am bàs; Cha dèanadh càil dhuinn d' fhalach air, Bheir siud an dachaigh chum an làir, 'S mo phàistean thèid air allaban.

Tha 'n teaghlach 's iad ri togail uam A' dol thar chuain do Chanada Bho chaidh am màthair do an uaigh 'S e siud thug fuachd don dachaigh orr'

Chan iongnadh ged dh'fhàsainn liath, 'S mo chiabhagan bhith tanachadh, Ma thèid mi tarsainn air an t-sàil, 'S ga fàgail ann an Aiginis.

Cha d' smaoinich sinn a-riamh 's i beò, Gum biodh cuan mòr gar dealachadh, Gum biodh i adhlaicht' air an Aoidh, Is mis' fo chraoibh an Canada.

Ged a dhealaich sinn an tìm Bidh sìth againn nach cailleadh sinn 'S nuair a choinnicheadh sinn a-rithist Bidh fìreantachd na ghealladh-san

A Mhàiri nighean Alas' 'Caoidh A Mhàiri nighean Alasdair A Mhàiri nighean Alas' 'Caoidh 'S dh'fhàg mi tinn is airsneulach But it was death that divided us Nothing could conceal it from us It will raize the home to the ground And my children will be left to wander.

My family have upped and left me And gone overseas to Canada Since their mother went to the grave Their home has become a cold place to them

It is no wonder that I would go grey And my hair would thin If I am to go across the sea And leave here in Aiginis

We never thought while she was alive That a great ocean would divide us That she would be buried on "The Eye" And I beneath a tree in Canada.

Though we are parted for a time We will have peace that we will not lose And when we meet again There will be truth in that promise

Mary, Alasdair MacKay's daughter Mary, Alasdair's daughter Mary, Alasdair MacKay's daughter You have left me poorly and sorrowing

# Tir mo ghràidh

# My beloved land

Arthur Cormack (Vocals); Eric Cloughley (Guitar); Iain Smith (Mandolin & Backing Vocals); Blair Douglas (Piano and Accordion); Rachel Walker (Backing Vocals); Allan Henderson (Fiddle)

A song written by Blair Douglas reflecting the strength of the ties that bind the Scottish Gaels and Cape Bretoners. Having been at the wonderful Celtic Colours festival in Cape Breton on two occasions, I was struck by just how Gàidhealach some of the people are generations after their forefathers settled there. Their hospitality is legendary and their ties with Gaelic language and culture still strong.

Seasamh na m' aonar fo dhubhar giuthais Sealladh suaimhneach gun sanas cruais; Clachan-cuimhne, 's leacan-uaigh' O thìr nan uachdran, tha mo smuain

Air àilleachd nam beanntan, 's nan coilltean dorch' Nam bàgh 's nan tràighean, 's nan slèibhtean corrach; Dùthaich 's dùthchas, ceangailt' gu teann Chan eil bacadh gar sgarradh, ach taisdeal nan tonn.

Tha mo shùil air "Tìr an Àigh" Null thar chuain gu "Tìr mo Ghràidh".

'S a' fàgail Dhùn-Bheagain, le sgàil thar mo shùil Clann- a-Leòid, clann- a'-bhòid, 's a' chaora-mhaol; Cha robh feadan-airgid no' bratach-shìth Gaoir nan Gàidheal, "cha till, cha till." Standing alone, 'neath the shadow of a pine A peaceful scene, without a hint of hardship Memorials and gravestones From the "land of the lairds" (Skye), my thoughts are

On the beauty of the mountains and the dark woods The bays and the beaches, and the steep hillsides Our land and heritage, tightly intertwined Nothing separates us, but an ocean voyage

*My* eye is on the "Land of Happiness" (Cape Breton) Across the ocean to the "Land of my Love" (Cape Breton)

Leaving Dunvegan, with sadness in my eyes MacLeods, the children of the voyage, and the Cheviot sheep There was no Silver Chanter, nor Fairy Flag The cry of the Gael, "We will not return" 'S bidh 'n ceòl ag èirigh on Chladach a Tuath Puirt nam fìdhlearan, 's nan òran luadh; 'S e "Mo nighean donn as boìdhche", 's "Ho ro 's toil leam fhìn" 'S ged 's cian ar sgaoileadh, mar aon ar cridh'

#### Thoir an t-soraidh seo bhuam

The music will rise from North Shore The fiddlers' tunes and the milling/waulking songs "Mo nighean donn as bòidhche" and "Ho ro 's toil leam fhìn" Though great our separation, our hearts are as one

# Take this greeting from me

Arthur Cormack (Vocals); Mary Ann Kennedy (Harp); Duncan Lyall (Bass); Allan Henderson (Fiddle)

lain Nicolson – An Sgiobair – was born in Siadar, Uig in Skye in 1903. Apparently he never worked at sea but earned the nickname 'The Skipper' after wearing a sailor's suit on his first day at school. During World War 2 he was in the *Royal Scots Fusiliers* and worked for the Forestry Commission thereafter. He wrote songs and poetry from his teens and lived in Cuidreach with his wife, Mary, and their eight children until his death in 1999. This song was written as an apology of sorts for Isabel (Bella) Gillies whom The Skipper had prevented from going out on a date with Duncan MacKinnon, after which he wrote a song about the prevented liaison. Bella was so annoyed at not being allowed to meet Duncan, and the song that followed, that she asked The Skipper to write another for her, this time praising her.

Thoir an t-soraidh seo bhuam Chun na rìbhinn as suairc' Air an tric bhios mi smuaintean an còmhnaidh Gur òigh thu tha ciùin A tha finealt gun smùir Bidh gach fear a' cur ùidh na do bhòidhchead

Na mo dhùisg is nam shuain Bidh mo smuain ort gach uair Gur e àilleachd do shnuaidh a' toirt leòn dhomh Bheilag òg an fhuilt dhuinn 'S mòr a dh'fhàs ort a loinn Tha thu gàirbheulach, aoidheil, gun mhòr-chùis

Tha thu sìobhalta, suairc 'S tu gun phròis na gun uaill Tha gun fhoill, na gun ghruaim, na gun ghòraich Do dhà shùil, mheallach, chiùin Toirt dhut àilleachd is mùirn Beul a' mhànrain bhon cùbhraidh na pògan

Tha thu bho fhìor Chloinn III Ios' Bho 'n robh tàlant' is rian Nach robh meat ann an gnìomh ri àm còmhraig Gheibh iad urram is cliù Bho gach aon chuir orr' iùil 'S beag an t-iongnadh 's ann leam ged bhiodh tòir ort

Ach 's tu mo roghainn fhìn Bhon a chunnaic mi 's a chì Ach, mo thruaighe, dè nì mi 's mi gun chòir ort? Oir tha eagal orm a ghaoil Gun tòir càch thu a thaobh Oir bidh an tòir ort luchd maoin agus stòrais

Ach mur bi e an dàn Nach fhaigh mi thu air làimh 'S e mo dhùrachd gu bràth dhut gach sòlas Gach beannachd nad dhèidh 'S gach cùis bhith leat rèidh Ge b'e àite fon ghrèin sam bi d' chòmhnaidh Take this greeting from me To the sweet-natured girl Who is forever in my thoughts You are the most gentle maid Refined and unblemished Each man is fascinated by your beauty

In waking and sleeping My thoughts are forever with you Your beauty has wounded me Young Bella of the brown hair The embodiment of elegance has grown in you You are smiling, affable, without conceit

You are civil and gentle Without pride or vanity Without deceit, without gloom or folly Your two beguiling, gentle eyes Give you beauty and joy A mouth full of loving talk and sweet kisses

You're from the true Gillies clan Who were talented and sensible Who were not cowardly in their actions in times of strife They get respect and renown From all who get to know them It's little wonder that you would have admirers

But you are my own choice From those I've seen and will see Alas, what can I do since I have no right to you? Since I fear, my love, That others will take you aside Since you are courted by people of means and riches

But if it is not to be And I don't get your hand It's my eternal wish that you'll be happy Every blessing be with you And may everything go smoothly for you Wherever you will live under the sun

# A Pheigi a ghràidh

# Peggy, my love

#### Arthur Cormack (Vocals); Eric Cloughley (Guitar); Chaz Stewart (Guitar); Allan Henderson (Fiddle)

Written by Ruairidh Caimbeul (Ròidseag) from South Uist (see track 7 above). Although made famous by the late, great Calum Kennedy, there are many notable versions of this song loved by Gaelic audiences all over.

A Pheigi a ghràidh 's tu dh'fhàg mi buileach gun sunnd, 'S mi seòladh an-dràst' thar sàil dh'Astràilia null, Tha 'n oidhche fliuch, fuar, 's mi shuas ga cumail air chùrs, 'S tu daonnan nam smuain, a luaidh, bhon dhealaich thu rium.

Bhon dhealaich thu rium neo shunndach m' aigne gach là, 'S mi seòladh a' chuain, 's gach uair gam sgaradh o d' ghràdh, Ma bheir thu bhuam fuath, 's nach dual dhomh d' fhaighinn gu bràth,

Gum faic thu led shùil, a rùin nach bi mi fad' slàn.

Cho fad 's thèid mi null bidh dùil am tilleadh a-nall, Far do dh'fhàg mi mo rùn fo thùrs am baile nan Gall, 'S thèid sinn le sunnd a-null do dh'Uibhist nam beann Far am faigh mi ort còir le pòsadh ceangailte teann.

Nuair gheibh mi ort còir ri 'r beò cha bhi oirnn dhìth Gun dèanainn dhut lòn gu leòr air muir agus tìr; 'S ged theireadh an sluagh a luaidh nach dèanainn dhut nì, Gun togainn dhut bàrr a ghràidh ged 's maraiche mi.

Ged 's maraiche mi tha sgìth a' treabhadh a' chuain, Bha 'n iomadach àit' is ceàrnaidh, deas agus tuath, Chan fhaca mi ann tè Ghalld' a sheasadh riut suas, A bhean a' chùil bhàin chaidh àrach an Uibhist nam buadh.

An Uibhist nam buadh gur truagh nach robh mi leat thall Is fàinne den òr mu d' mheòir gar ceangal le bann 'S ma thilleas mi luaidh thar chuain an turas seo nall Dh'Àird Choinnich thèid sinn le cinnt gar ceangal gu teann.

Gun sguir mi den dàn mu 'm fàs sibh uile dheth sgìth, 'S gun tuig sibh mo chàs 's mi 'n-dràst' cho fada bho thìr, Ach an rud tha mi ràdh, gu bràth gun aidich mi fhìn, 'N taobh tuath Loch a' Chàrnain dh'àraicheadh cailin mo chridh' Peggy, my love, you've left me completely dejected And I'm now sailing across the sea to Australia The night is wet and cold and I'm up keeping the boat on course You're ever in my thoughts, my darling, since you parted from me

Since you parted from me, my spirit is dejected each day And I sail the ocean, every hour taking me away from your love If you have turned against me and if I'm destined never to get you You will see for yourself, my love, that I won't live long

As I sail I will expect to return To where I left my sorrowing love, in the city of Lowlanders And we will go joyfully to Uist of the mountains Where I will give you my vows in binding matrimony

If you become mine, in our lifetime we'll want for nothing I would make plenty food for you on sea and land Though some people might say, darling, that I could make nothing for you

I'd grow crops for you, love, though I'm but a sailor

Although I am a seaman tired of sailing the ocean Who has been in many places and parts both south and north I've never seen a lowland woman who would be a match for you, My lady of the fair hair who was brought up in Uist of the many virtues

In Uist of the many virtues, alas I'm not with you over there And a ring of gold on your finger a band tying us together And if I return, my love, on a voyage there across the sea To Ard Choinnich we will go firmly bound in certainty

I'd better stop this song before you all become tired of it And I hope you understand my dilemma when I'm so far from land But I'll say one thing, I will forever admit it to myself: It was on the north side of Loch a' Chàrnain that my beloved girl was raised

# Pòg aon oidhche earraich

# A kiss one spring night

Arthur Cormack (Vocals); Blair Douglas (Accordion); Ingrid Henderson (Piano); Rachel Walker (Backing Vocals); Allan Henderson (Fiddle); Chaz Stewart (Guitar); Andrew MacPherson (Percussion); Eric Cloughley (Bass)

Runrig recorded *Pòg aon oidhche earraich* with the spoken word and a vocal chorus. Calum Macdonald kindly reworked the lyrics, adding verses that could be sung with the chorus, and I am delighted to have included it. Runrig have been instrumental in bringing Gaelic to a wider audience across the world, promoting goodwill towards the language in the process. As the band retires in 2018, I would like to thank them and congratulate them for all they have achieved and I'm grateful to Calum and Rory for allowing me to record this song.

Bha an oidhche socair, ciùin Oidhche Mhàirt ùr eile Grian a' tuiteam tro na neòil Ceann seachdain, crìoch la'

Os cionn gach àite a' ghealach àrd Gillean òg' air rathad an talla Ceòl a' gluasad thar a' bhàigh Mar thonnan blàth an dàin

Bha i àlainn, bha i grinn Sùilean mar na reultan cruinne Gruagach òg cho ceart is còir A' feitheamh air an làr

Rinn sinn dannsa 's dh'fhan sinn ann Gun robh 'n ceòl 's an còmhradh seachad 'S mar sin dhan àite thorrach shlàn Làn geallaidh, fois is tàimh

O luaidh b' e siud an gràdh A dh'fhàg mi ceangailt' riut an-dràst' Cò shaoileadh an rud a dh'fhàs Bho phòg aon oidhche earraich? The night was quiet and peaceful Another new March night The sun tumbling through the clouds The weekend and the end of the day

Above the whole place, the moon high in the sky The young lads on the road to the hall The music moving across the bay Like the warm waves of fate

She was lovely, she was beautiful Eyes like the perfect stars A young maid, so good and virtuous Waiting on the dancefloor

We danced and we stayed there Until the music and conversation were done And then to that fertile, healthy place Full of promise, peace and contentment

O my darling that was the love That has left me still bound to you Who could imagine what would grow From a kiss one spring night?